



孟津詩卷之十四目錄

七言律



棗園河上

錯怨



平侯旋里聞家中近况

登虞山遠眺

野外

三鄉過連昌宮址 示荆岫

八月自雨過于氏園林

鬼谷

秋後思伊闕

瓜洲泚園

遊西山感時

西向邨

安邑有懷

虎丘八月十五夜遣愁

癸巳七月崑山東山水樓

禮九華山壬申秋入洛經邨山

言懷大同

西山古廟憶覺斯長兄入蜀

無語故園

秦中諸勝里中感

聞建惠破登玉山寺

自計晚年事又往嵩山

秋日同友人登邨山感懷

釣鼇臺南皮道中

下州楊公祠公諱源欽天監五官監劾劉

瑾為不軌杖甦至孟縣下州死于墓前祠

之偶題

西村洛陽懷古

姑蘇途次船中閩中江行

過獅子營太行山界上

春日東李庚生時在括州

下太行頂歷佳泉風門至萬善驛

中嶽廟火

思先隴

平江旅舍計返津在秋因思故山

堯時

何事

登五乳峰初祖二祖庵

朱敬身自浙如豫自豫如晉復如燕因訊

諸山水

廢園

大柳驛阻雨復晴

鏡裏

登村樓

述情

梁溪舟中託人寄家書

秋雨行衆山中

營中

聞東蒙山泉因懷東蒙

濠上東岡夜詠

野塘

宿陽城

全椒北郊

淮南道上

臨淮獨山

入霍州

抵潤州

仲和兄爲東陽大叅有言

孟津詩卷之十四

七言律

棗園河上

王鐸

周原猶是古神州定鼎千年錦浪浮
蔣綠非同今日激山青不謝去年秋
天津積翠鴻初斷鞏國微霜葉半流
靈篆玉書何可覓汴河東下水悠悠

錯怨

王鐸

錦樹蒼崖背郭斜勿勞風雨濕蒹葭
行藏盡日

懷林藻潦倒何人識孟嘉鴈身多心飛畫鼓靈
龜無淚落瑠花三山玉笈應多壽錯怨秋風染
鬢華

平侯旋里聞家中近况

王鑰

君去不來我獨知家鄉憑女自委蛇園題白虎
名書觀布刺黃熊作射皮燕國常多懷友夢嵩
山空負故雲期眼前惠子驢何在草路石衢費
所思

登虞山遠眺

王鑰

虞山山上滿芳菲山勢高低入翠微一派水光
連地動幾重秋色帶雲飛漢唐日月成蕭莽吳
楚乾坤半鐵衣高眺空餘雙淚眼野棠紅子隔
年稀

野外

王鐸

秋雨太多秋不齊林間息景暫幽棲野農餉隴
貧炊熟古墓屯煙死樹低萬事欷歔溝水鬧十
年喪亂雉媒啼青山祇是人空老任意狂歌日
又西

三鄉過連昌宮址

王鐸

白榆老葉乾風起舊地離宮感慨生
畫棟惟留山勢在絳桃復見水光橫
美人歌舞思千載寶輅笙簧奏九成
今日花飛春又落破籬殘雨叫鶻鷓

示荆岫

王鐸

擊筑悲歌敢復論幾人曾報信陵恩
憂時遠慮防投鼠漸老交情合閉門
白石青山無宦味綠浦紅蓼有秋痕
商量何處可安枕春去春來總

不言

八月冒雨過于氏園林

王鐸

有路無人常閉戶隨風帶雨到林丘
臺邊桃柳三層樹溪外煙波兩處樓
蕉葉重合今夕淚蓼花獨綻異鄉愁
籬間草色都黃盡恰似洛陽家裏秋

鬼谷 谷中多牡丹

王鐸

山行鬼谷路蒙茸寥廓一彎綠水溲
客子閒來多野興牡丹秋後有愁容
朦朧圓月圍荒草寂

冥長藤挂老松戎馬倥惚無剪伐深巖落得伴
潭龍

秋後思伊闕

山上石佛
不計其數

王鐸

秋到龍門秋可傷一山破佛甚荒涼頻年烽火
新郊壘歷代兵戈舊戰場斷續行雲陰更黑參
差老樹晚能黃自從亂後不曾到野蔓枯藤上
短墻

瓜洲沮園

王鐸

逢迎曲處滿煙蘿乘興攀躋在碩邁燕掠香泥

飛別港蛟潛古澗長幽窩欲眠芍藥春亭小再
采芙蓉秋水多纔寫憂心添繫戀松舟桂楫又
如何

遊西山感時

王鐸

禪林舊是焚香處無數紅樓繞梵宮鷲嶺方增
金刹麗龍池又與玉泉通幾家破屋荒村內十
里青山暮雨中痛哭先朝功德寺年年石馬泣
西風

真身西向邨

頽垣獨到氣刁調門巷黃昏倍寂寥亥字老人
多矍鑠午橋漁子自歌謠清秋行徑蒹花雨白
日空墻鳳尾蕉向地勿煩傷物候秦宮漢殿莽
蕭蕭

安邑有懷

王鐸

泠泠條山近紫霄餘風空自響刁調一川楊柳
春還在百戰村墟氣不銷池破鹽花除怪獸塔
垂天影過胡鵬無情最是堯時月照盡重華照
寂寥

虎丘八月十五夜

王鏞

吳笛蠻絃曲調新中秋秋裏似三春樓高夜靜
還來月石冷鴉飛更見人樹色有時粧寶塔佛
幢無恙挂風塵忽聽畫舫前山去一派笙簧過
水濱

遣愁

王鏞

客愁終日未能休何計尋思遣客愁鴻鴈有情
還叫夢蘆笳無處不吹秋雲連故國飛鄉雨月
挂歸心滿驛樓年復一年成古昔石門山水

空流

孟津西有石門山

癸巳七月崑山東山水樓

王鑑

孤城白日送秋光
婁水篝燈又一鄉
蟋蟀風來尋客舍
轆轤聲已到繩牀
緘情驛路書千里
櫻夢梧園淚數行
不盡寒聲刺刺響
芙蓉明月冷漁梁

禮九華山

王鐸

昔年曾讀九華記
今見九華秀且文
錯落青霞輕重出
親疎紅鳥短長聞
戰場古矢樵人拾
藥

圃餘春山鬼耘寂
默休糧應識取徘徊
奚以謝高雲

壬申秋入雒經邙山

王鐸

初霽西風響石田
山山落木下秋煙
太行人老軍城戍
牧野河沉估客船
舊渚蝦蟆吞漢土
壤墳甓載秦年
誰知萬古銷沉後
聞殺浮雲夕照邊

言懷

王鐸

亦覺有懷不足戀
胡然卒歲賒歸辰
麻衣尚有

前冬淚梅藥難爲漸老身當日笱梁爲鏡照誰
家鷄犬作山隣殷勤致意蚪中谷嘗耐披裘與
負薪

大同

王鑑

大同烽燧照邊氛城外分崩起獸羣石火割鮮
焚野草人家掘墓壑孤雲風清沙語秋無跡月
落笳聲夜不聞戍卒白登今暫息牂牁汎掃待
何軍

西山古廟

王鑑

晨發西山起衆煙傷心默默古祠邊殘碑剝蘚
商奇字老樹號風哭舊泉無數牛羊登壠坂一
羣鴻鴈下荒田從前已厭浮生事百歲飄蓬何
處船

憶覺斯長兄入蜀

王鑑

吾兄行路與天齊萬里奇游興不迷石棧吹雲
衣冷冷金天漏雨氣淒淒岐陽錯峙思靈鳳陳
寶青倉起怪鷄祀罷岷江窺蜀盛壯懷騷首草
堂西

無語

王鐸

霜侵物候冷蕭蕭孤眺風煙萬彙朝病後相隨
惟藥餌閒中無語是芭蕉平沙鴈帶殊方雨極
浦帆飛射獵橋若到九旬四十稔笑予拙笨老
漁樵

故園

王鐸

轉眼天寒氣不齊歸心安敢說羈棲故園墻北
開梅藥幾日河南罷鼓鞳邨嶺撲天餘石馬鞏
雲裏雪暗龍谿新兵聞道三秦勝次第興師埽

蒺藜

秦中諸勝

王鐸

地形雄峙讓西京合縱連橫虎鬪爭不了秦山
留霸氣無情渭水落兵聲阿房夜雨孤桐死繡
嶺朝雲老燕鳴千載鴻圖常割據諸侯東面受
壇盟

里中感舊

王鐸

此日吾鄉見春風來尋故宅無西東幾處喬木
忽疎密數里野花能白紅徒傷房屋瓦礫內忍

看墳墓枳棘中悽愴自愧漂泊後兩目昏昏雙
耳聾

聞建惠破

王鐸

歲歲流離天一涯經心豺虎竟離家春秋有戰
皆堪淚曹檜無風亦可嗟野墅丹帷藏狡兔破
城白骨噪神鴉煙塵滿地居難定山裏重開柅
子花

登玉山寺

王鐸

層崖結構俯沙田此日凌虛興渺然天仗舊雲

延邃古山憑高磬紀流年挂幢臺上疎煙迴灑
酒江干溼岫懸不盡春風催旅鬢蛟宮貝闕自
淵玄

自計晚年事

王鐸

捫心檢點晚年事大約悠悠山裏多終歲祇將
防啞虎經春還要整漁蓑重輕香過花臨路斷
續聲來鴈度河欲洗塵纓何處洗許由南澗有
盤陀

又往嵩山

王鐸

此山長在陽城地我又重來紫葯房無事閒雲
飛別處有靈雄嶽據中央戒壇日麗哀孫獲佛
殿沙沉毀鳳凰身到高天生浩氣往來拾得自
相羊

秋日同友人登邙山感懷

王鏞

邙山山上石峻嶒秋日登山共友朋古堞高原
唐戍壘荒丘禿樹宋諸陵千秋石馬經兵壞歷
代金城遇寇崩剩有洛陽橋下水年年帶血結
成冰

釣鼇臺

王鐸

江間石路入雲堆屐齒陵虛上碧臺萬派金暉
鼇不醒一林朱檻雨初來海空仙佩非時至山
暖巖花只自開爲問歸墟收浩劫乾元何以造
埏垓

南皮道中

王鐸

無端卻入條山道乘輿還來渤海前樹上新蟲
藏暗窟池邊小燕掠流泉華陽亭下風吹馬太
史河中浪接天暑退沙衢多鳥跡野花野草爲

誰妍

下州楊公祠公諱源欽天監五官監劾劉
瑾爲不軌杖黜至孟縣下州死于墓前祠
之

王鐸

洋洋靈氣浩無窮河上蒹葭有勁風一命秩班
能慷慨千秋翦拜惜英雄陰沙鬼馬嘶寒水夜
雨金鏞泣故宮爲歎死生真細事幾人魂魄結
長虹

偶題

王鐸

古昔曾聞致四靈胡爲只欲伴花馨大儒休注
蟲魚雅羣盜亦燒山海經畏俗觸籓占卦象養
生種藥學庖丁也須一醉傲傲舞婚嫁年來髮
已星

西村

王鐸

西村井臼半蕭條處處荒村費火燒鹿過忽驚
墻外馬燈明方到樹邊橋懸弓風勁雜墩鼓夜
飯砂多炊野蒿萬事傷心愁不了捫心心碎自
無聊

洛陽懷古

王鑰

河山重叠千秋在世亂人亡土不存金谷猶傳
石氏寵銅駝空負漢家恩沙塵血跡多新事蓼
穗菱根剩舊痕南北烽煙迷望眼乾坤何日罷
招魂

姑蘇途次船中

王鑰

遠村近郭青還綠半是蘆洲半是苔此地忽逢
賓鴈到何渠又放水聲來白頭人被秋風誤紅
葢花臨戰場開日暮悠悠船不定姑蘇遙望首

頻回

閩中江行

王鑰

輕帆短棹逐崖行七十之灘灘水清江氣遠屯
魚路斷沙痕近打鷺濤平一天霜露人無侶萬
里鄉園月共明卧望狐茅生旅思幾家砧杵擣
秋聲

過獅子營

王鑰

黃霜淒緊捲平沙日暮營邊虎豹遮匹馬危橋
孤客路破籬殘屋幾人家邪旂凍折翻酸棗野

塚荒沉起莫鴉顧影稍蘇寧郭近滿空雪浪打
天涯

春日東李庚生時在括州 王鑰

正月煙光次第通蕭條劔佩帝城中桃生旅舍
春來晚鳥叫枝頭坐向東黃鶴嶺連羅漢樹白
頭人遇戰場風邗溝溝水傳心去早到括州花
未紅

羅漢峰名

太行山界上 王鑰

勾連險仄通天根下望覃懷隔幾村平浦鶴飛

沙有迹高崖雲過樹無痕歸鞍冬際凋殘葉莫
角秋深入斷魂茶櫃飯鑪收拾好家山園內住
青罇

下太行頂歷佳泉風門至萬善驛

王鐸

西晉征車天際轉東周大地眼中開長洲草闊
村俱沒故國雲深鴈不來戍古猶聞拾笮片月
明空上望仙臺野王鄉社喧神鼓禾黍風高兩
鬢催

中嶽廟火

王鐸

古廟莊嚴金碧鋪偶來祥火變丘墟靈花錦石
吹餘燼鸞葆虬車委亂塗天地何心來恐懼鬼
神墮淚豈虛無三華二室剝牀近松栢聲號野
照孤

思先壠

王鐸

野蔓荒墳棘刺稠寒聲謾謾響松楸折碑露冷
烏啼夜枯樹風吹草換秋榆火甲兵經歲月漆
燈鬼雨自荒丘清明山下北邙淚滴向黃河日

日流

平江旅舍計返津在秋因思故山

王鐸

雖然京外減紅塵也到秋來返孟津吳地可能
容一老家山還許住何人懸崖遠岫雲如樹暮
草遙花霧似春但得此中堪忘世高頭深處卜
居隣

堯時

王鐸

結髮難將橘性移堯時雲水與吾期命偏磨竭

必如此士不祝鮀安所宜老去有時歌伏櫪卜
云何道救勞師年年蟋蟀吟無盡花藥中情知
未知

何事

王鐸

倦倚胡牀已二更
儻何猶聽誦經聲
啼猿哀怨緣何事
珍木條枚共此情
鰲客作題羞請謁
鴟夷爲號附平生
江淹已倦青苔賦
浙浙餘風夢未成

登五乳峰初祖二祖庵

王鐸

禪宗處處問袈裟
衆綠低垂逐澗斜
闕壑獮飛無甲子
深山蝶戲有桃花
路邊石倒何人井
碑上文斑幾代霞
禽身寧知興廢事
時來時去過僧家

廢園

王鐸

曲逕危欄路欲迷
殘花一地踏成泥
枝頭毛氎春鶯小
石外根盤古樹低
破壞書樓仍上下
荒涼臺榭自東西
偶來此處愁無限
更辦愁心耐久稽

五言詩 卷之十四 五
朱敬身自浙如豫自豫如晉復如燕因訊
諸山水 王鑰

晉陽曉露迷關津暮雨酸風耐旅人久別共分
秋海月相逢同是異鄉身山明夏屋雲連馬水
下蘆溝鴈度春不是恐傷綠草意又從吳楚到
西秦

大柳驛阻雨復晴

王鑰

天和灑灑潤無聲半日泥行又喜晴金革預愁
今老大雨暘偏似舊昇平寇來城破留湖在雲

去山空放鳥鳴親手決渠渾未厭閒從壠上看
深耕

鏡裏

王鐸

朝來鏡裏憐容色一齒將凋髮不多四十九年
非已悔百千萬事欲如何王孫草死無歸路漁
父船輕有釣蓑春日桃花應待我青山莫惜醉
顏酡

登村樓

王鐸

高林如櫓飛殷色旅客何心又倚樓幾日移家

臨礪道半生長策在漁舟寒鴉白水荒村莫野
火青山落夜愁誰問瘡痍南北事滿天風雨不
勝秋

述情

王鐸

棲託油油俯曲阿酒狂斫地自婆娑偶聞禪頌
書紅葉難得閒心挂綠蘿昔日麤豪筋骨冷今
春存歿淚痕多淮南洛北皆搖落况是葵丘未
罷戈

梁溪舟中託人寄家書

王鐸

舟行高下入青林兩岸一同翠色陰乍見雲開
天在水偶隨書去鴈爲心夜來聽笛還看月醉
後焚香不鼓琴待到歸家明歲事蕭蕭無奈自
長吟

秋雨行衆山中

王鐸

雷走空山山走寒一山榭葉響巘岈豹藏深窟
能爲隱龍灑甘霖亦不難高下亂雲齊出樹往
來流水各歸灘入城無限青蒼意欲向風前振
羽翰

聞東蒙山泉因懷東蒙

王鐸

東蒙之山闕溟渤王子不至不能休七十二君
玉簡近萬八千丈蓬萊遊黑脚天鷄叫赤日綠
觜白鶴巢丹丘爲告煙島菟裘在一笑若華天
地秋

營中

王鐸

戎功容易笑談間今日從軍事事艱雨苦戰兵
秋淬甲風寒獵火夜燒山此行衢室龍蛇走幾
處蒿林耒耜閒氛稜萬古須盡息無疆何論玉

門關

濠上東岡夜詠

王鐸

強逐征人似勝遊眼中何日是歸休光陰負我
難爲說丘壑牽人未解憂陳力誰知龍黼黻悲
歌自撥玉筮篴芙蓉花落菊花發一任溪聲處
處流

野塘

王鐸

野塘秋水起碧波趙女彈箏歌吳歌半落不落
敗楊柳欲開未開殘芰荷驚風鷗鷺自猶狘出

海雲霞猶透迤日莫遠天野火亂孤心晚景將
如何

宿陽城

王鑰

籬頭秋雨晚濛濛忽聽天邊叫塞鴻孤枕自依
燈影下離心却在漏聲中低回行旅占黃道造
次烝徒候勝風何事天涯爭歲月家園開遍野
花紅

全椒北郊

王鐸

麟麟車騎向何州萬壑千林路不休數點峰傳

彭蠡信幾行鴈入翠嫵秋湖山寂寞沉紅日霜
露侵陵上白頭橫稍據鞍非壯歲人間無替是
蓬丘

淮南道上

王鐸

長征遠望孤煙直湛露秋高白鴈過憂世淚從
明月下傷心夢向故園多雄藩諸將方傳檄大
海連城未倒戈昔日諸萸龍洞上黃河天末意
如何

臨淮獨山

王鐸

蕭蕭孤客歎無家
山寺鳴鐘日又斜
戍角吹殘邊塞曲
白紅開徧伽藍花
可憐勳碣埋頽壤
不見居人說翠華
爲問深林猿鶴道
休嘲避世有蒼霞

入霍州

王鑰

高山疊岫勢難攀
山裏村村棗樹彎
家在遠天孤寺外
人行野水亂雲間
沙邊鴈叫驚弓起
潭畔龍腥帶雨還
霍叔寂然周鼎沒
年年鐵槌鎖重關

仲和兄爲東陽大叅有言

王鑰

天外十洲別有秋
幸離圭組得遨遊
翻經常對胡僧講
種藥閒同稚子收
蓬島人乘月色渡
春帆潮帶漢聲流
一身從此無拘繫
或泣或歌任白頭

抵潤州

王鑰

十年兵火到來希
眼見人民半已非
胥浦江聲灘外轉
潤州山色雨中歸
休嗟孤月隨人照
且耐寒雲就我飛
簫鼓樓船何處是
妙高臺上望

依佈

孟津詩

卷之十四

三

孟津詩卷之十五目錄

七言律

淝東興

偷安

仲春送二侄無咎省覲

元日雪後謁中嶽廟感懷二首

宿州入蒙澤

三鋪東舊廟

有寄

秋晴

大變後寫時甲申三月

龍江東故人

何地

浪說

晚至田家

清江浦黃河口上西望

聞覺斯長兄訃音崩心裂肝幾不欲生越
月未能搦管悲慟之餘以墨濡血語無倫
次聊代廟中之哭八首

小宋遇大風雨

苦雨泥行數日寫興

考城北

與西方客子談海外

哀長兄覺斯

廣陵秋思兄弟久別

歸德東開元寺

無人

武城西垆

洛陽西苑

託人寄家信

威縣道中

入武邑

歲暮三首

怪夔龍

孤蓬書任丘旅舍

金門山信詢玉調

獨出田間野望

崑山西望有感

蘆溝桑乾河

長干別

寒日夕詠

獨歸至陽城山寇警少息時土人守禾驅
猴因誌之

語諸友

冷落

何求

冬日思春東蓬玄

至渭南慟故人死節

旋里哀匡巒鈍庵兩弟

何難

玉魚東心蒙

因避兵火十年客路觸目感心爰成此詠

癸巳八月入天池山茶溪

十五日

沁源堯城鎮

二弟鏞來都同居改授少叅將之官寫懷

冬日

送友南歸

雨後首陽感懷遇廟道施藥遂有江南之志

登高阜

斗山子爲亭飲

凌晨

汾河早發

紫陽山堙懷詠

歎

塘西

無題

孟津詩卷之十五

七言律

淝東興

王鐸

天寒不必泣西風舊日晴巖事不同
槭棘餘光嫌夜白芙蓉愁色怨秋紅
海煙傾倒天吳怒畢影虛恢金翅雄
莫想朱輪添惋惜蓬門疎雨遠濛濛

偷安

王鐸

伊川槃陸久相睽南渡偷安雪竇西三歲親朋

識面少五更星宿與牀齊
拏舸慟哭錢王廟作
頌欽依范蠡溪准擬簪纓
縻不得桃花滿樹草
萋萋

仲春送二姪無咎省覲

王鑑

吾兄疾病望全瘳猶子分襟別帝州
人近孤村逢虎跡馬乘殘月度狼溝
寒鐙夜火明官驛野鳥晨鐘出郡樓
半畝田園花又發春來朝夕與誰遊

元日雪後謁中嶽廟感懷

王鑑

大地高天餘嶽廟元辰踏雪拜尊神
龍枯火死千年樹山碎玉飛太古塵
斷壁頽垣欹破鬼燔燔瓦甍泣殘民
為今願祝時康晏且醉盧巖瀑水春

松柏大丈餘明末為天災所焚

其二

王鑑

寒氣陰森偃翠旄靈光閃爍動龍袍
神遭寇盜無香火官祀犧牲缺少牢
大殿兵燒秦篆碣空廊鬼賣漢軍刀
上元雪贈海棠水洗盡塵纓洗綠毛

海棠峪谷名

宿州入蒙澤

王鐸

吹角荒村夜氣幽，燈花正喜復何愁。
佯狂自註三官錄，大笑寧須萬戶侯。
楠樹色冥開藥圃，琪枝香冷在丹丘。
虛名總擲華胥外，蝴蝶翩翩到處遊。

三舖東舊廟

王鐸

荒涼萋草空堂，莫門掩霜皮木葉飛。
紀歲紀年，碑石壞經兵經火，血毛稀。
可堪鳥鼠緣朱座，無限灰塵上畫衣。
今古升沉俱是夢，曠龍行雨欲

何歸

有寄

王鐸

擬作思玄別，有寄將心付託水石邊。
考槃依谷多栽樹，荷鍾爲農善用天。
帆影橫分南北界，潮聲不住古今遷。
騎牛欲試青羊客，祇恐雲深路杳然。

大變後寫時甲申三月

王鐸

晚年老瘦欲何爲，無奈頽然學畫眉。
國破難存康叔鼎，書焚獨剩草堂詩。
佛聲遠磬翻經卷，水

調誰家唱竹枝懶散如今奚不可閒看玄燕羽
差池

秋晴

王鑑

紅葉滿林爭歲月黑雲捲霧放天晴殘風冷淚
愁中眼暮角寒鴉破後城山換興亡猶故色河
流今古變新聲高高在上真多事消息盈虛誤
此生

龍江東故人

王鑑

地近平陵衆綠侵白龍江上旅人心山留榭葉

吹亡國水送桃花別故林逢友莫談五侯綬辭
官欲散二疏金看來肉食非同調且共閒僧說
古今

何地

王鐸

昔日空存千古意今將何地豎雙眉溼多吳越
蟲生早寒重幽并花較遲籥翟閒情垂俗好崑
崙遠夢誤春期口脂面藥全無用烽火誰來訂
采芝

浪說

王鐸

浪說人寰識我曹
皇天有意轉弓刀
年來心折垣星變
老至髀生夜樹號
社稷當時皆燕雀
江山何處不蓬蒿
堪憐識字頭毛白
休醉醜醜陪作反騷

晚至田家

王鐸

殘陽欲墜川原薄
籬落不稠徑亦稀
倦去馬鳴嚙短草
夜來霜信擣寒衣
木槩村酒兒童鬧
瓦鼓神錢燈火微
從此兵銷無外慮
私田漠漠野禽飛

清江浦黃河口上西望

王鐸

木落風高天一涯
孤蓬河口卷黃沙
慵題薄綠魚鱗荇
羞見深朱鳳背花
此地霜繁心已碎
昨宵雨歇夢回家
漆園泗水雲帆近
望望山城路更斜

聞覺斯長兄訃音崩心裂肝幾不欲生越月未能搦管悲慟之餘以墨濡血語無倫

次聊代廟中之哭

王鐸

春殘燕國別香林
秋後洛陽聞訃音
兄弟忽分

千古夢詩文猶見一生心沙洲野火鶴鴿亂土
塚高原草木深默默蒼天何處問無言忍淚已
沾襟

其二

王鑑

夢裏徘徊何所之不堪燈下細尋思書邊曾帶
蜀中淚畫上還題病裏詩人去寒風秋冷後魂
來陰雨夜深時重泉一閉無歸路白草枯楊叫
晚鴟

其三

王鑑

獨留老眼望東都墮淚傷心眼已枯草滿荒丘
諸弟盡頭添白髮一身孤兵戈歲月空消息詩
酒原陵任有無漫說修文借杜李春秋曾忍薦
生芻

其四

王鑑

晚年心事幾人知又作顛狂又作癡放廢行藏
堪學圃浮沉天地只論詩嵩傳伊洛相公墓門
掩霜風太保祠忍見年年寒食後紙錢冷雨挂
殘枝

苦雨泥行數日寫興

王鐸

喜逢晴日漁歌起遠道搶攘漸次行儘有山風
吹盡樹不煩田雨敗香粳千年代閱英靈換八
極經營鐵駟平待到持盃溪芷上無言東海掣
長鯨

小宋遇大風雨

王鐸

羈棲河上將冬月孤客悲歌復此辰翻石奔湍
真有意震雷驚電豈無神蠻旗似火俱成血漢
鬪如花不是春稍待天開梅藥發准傾懷抱向

何人

考城北

王鐸

平原農事近西村濁酒陶陶酌瓦盆籬破斜開
通竹路樹枯剩有護潭根自嫌身老心先老休
想書存畫亦存後日尋僧猶可懺聖朝無補是
狂言

與西方客子談海外

王鐸

殊方風物接重玄開闢之初另一天終古雷轟
山不定經春龍動海常漩地窮西極多楓鬼人

向中原有鳥船木羽丹泉真怪異混元浩氣幾
千年

廣陵秋思兄弟久別

王鑰

爲歌兕虎道途中水勢縈洄路不通率爾客顏
初鑷白忽驚錦樹又吹紅孤牀燈影他鄉淚滿
地月華何處風兄弟關心音信杳夜舟晚泊小
橋東

哀長兄覺斯

王鑰

昨夜夢中曾到家柴門寂聞見空車鴉來舊院

啼梧月兒向新墳哭杏花書破琉璃彩筆冷墓
臨漁浦晚煙遮白楊不耐清明雨掩淚那堪落
日斜

歸德東開元寺

王鐸

城邊殘壘接荒垠古寺八關尚有文佛几偶從
他處見鍾風不比舊時聞巢吹枯樹連秋雨花
萎牽牛隔莫雲世事銷沉頭盡白寒光野氣曉
紛紛

無人

王鐸

無人自酌邨中酒信手閒抽架上書平野行來
隨潦水夕陽照處似吾廬秋川田里妻孥老白
鬢江灘釣艇疎不見穠花春色住山山空對月
明虛

武城西垆

王鐸

冬冷重裘野樹低萍踪又到武城西但看舌在
枯丘老何怪心灰稿木樓古塹朔風青馬走荒
墳破路白狼啼故園春信花開好不是桃源也
滿溪

洛陽西苑

王鐸

禁園池館舊粧樓石磴高臺一苑秋荷葉綠連
鸚鵡水蘆花白近鷺鷥洲橋留漢月行邊馬草
伴宮人哭故侯日落長風吹晚去西山西望遠
悠悠

託人寄家信

王鐸

孟州城南大河西城門之東月滿堤枯桑鳴鳩
四五箇荒地秋菊三兩畦啼飢稚子爭山果背
耳老人依杖藜事事憂心難盡說昂首向君空

長嘶

威縣道中

王鐸

野外無人見東薪破廬返照射高垠舊田舊井
三岐路冷水冷煙一病身酒少那禁燕地薄兵
多敢望洛陽春木魚毳衲吾生事不是年衰效
隱淪

入武邑

王鐸

水草凋紅樹葉黃駢駢日落又他鄉心煩魚腹
無書信皮老鮫胎少劔鋌人哭千村思子婦蠻

歌萬里想耕桑飄然誰識周南客未到陵園已
斷腸

歲暮

王鐸

暑去寒來歲月遷人生那得許多年苦當斷鴈
增長夜無奈殘雲續舊天常飲農人秋社酒也
分父老杖頭錢從來世事都經徧愁處只應白
晝眠

其二

王鐸

新雲殘月爭春路舊草巖風滿上林痛哭羞無

七日淚狂歌獨剩一絃琴金門紫竹藏仙井砥
柱黃河破禹心幽僻之人人所厭深山到處有
知音

其三

王鑰

年過壬辰又一春空隨日月度迷津亂山雪後
洛陽樹枯草鐘初旅夜人我戴朱纓談鬼怪誰
將青眼哭麒麟回頭無限傷心事處處飄零似
鴈臣

怪夔龍

王鑰

欲從道士訪滄洲此事無朋更與謀齒髮休思
臨老長筋骸免爲衆人憂好因岨嶴消閒日善
用鎡鏃過釣舟獨怪世間迂濶甚夔龍不曉退
林丘

孤蓬書任丘旅舍

王鑰

孤蓬迢遞欲何依垂首江湖尚未歸雪裏三年
雙淚落家中幾次早梅飛助勦氣銳時難遇磊
砢英多知者希縱爾波濤經蹙杳繙經猶有水
田衣

金門山信詢玉調

王鐸

往歲登山見豹蹄
開田種藥小園西
多年竹祖陰相引
幾處石君路欲迷
符役鬼神求旺相
手捫日月問端倪
尋常閱盡浮雲事
花落花飛滿舊谿

獨出田間野望

王鐸

獨去獨來過村莊
看山看瀑遙相望
葡萄酒熟不離手
茉莉花穠勝焚香
狂夫吟詩坐瘦石
牧子騎牛下平岡
近聞少林春滿寺
一樹玉蘭出

東墻

崑山西望有感

時西蜀南粵多警

王鐸

玉峰高望隔梁溪
別是蠻邦費品題
兵氣新屯夔子北
土司遠煽夜郎西
山衝鬼雨猴葵長
花落龍江水勃啼
翹首家園頻入夢
習池堤柳正萋萋

蘆溝桑乾河

王鐸

幾度蘆溝雨雪艱
今冬又出險巇間
凍痕落處空來往
寒葉飛來是等閒
北顧觚稜懸碧闕
西

瞻雷火蹙青山最憐無義橋頭水碣石滔滔幾日還

長干別

王鐸

如此秋山不可舍祇今秋思更紛紛蘭橈來往荒溝水蘆管淒涼破寺雲天落日陽宮闕遠軍行疊鼓箭房分征衫自信嘗無淚無奈芭蕉雨上聞

寒日夕詠

王鐸

夕陽衰草伴寒丘枯樹陰風吹敝裘月落孤城

殘角暮鐘鳴旅館夜心秋獨憐處世才無用翻怨經年戰未休剩有東都閒故舊同携魯酒上高樓

獨歸至陽城山寇警少息時土人守禾驅猴因誌之

王鐸

萬派嶽崎天上下數千里外地爭開時清旅宿今無懼秋冷鄉思不可裁打火饔飧炊野廟驅猴皮鼓架高臺眼邊去去洛陽近正好澆花看早梅

語諸友

王鐸

幾日難辭江上山江邊山鳥尚知還梧桐影外
移家信蟋蟀聲中染鬢斑且告煮蒿哀祖廟休
將明月照荆蠻有心雲水還相會煙雨瀟瀟入
暮彎

冷落

王鐸

匡牀冷落賦閒居雪點衾裯野興殊經難方知
爲吏苦違時始悔辨人疎石房死轉歸巢燕溟
渤飛騰避釣魚免俟衰殘嗟大臺紫金山上是

誰廬

何求

王鐸

鳥角雲巾古薊州食魚飲酒又何求妻孥散亂
經千里松桂楂枒剩一丘醉舞不知周甲子悲
歌豈記魯春秋濯纓也有滄波趣野鶴閒雲嶺
外遊

至渭南慟故人死節

王鐸

末世思君存古道豈知君墓草根纏渭南江北
三千里家破國亡二十年祇爲心傷秦代事空

將淚灑漢時天驪山好友今誰在忍見黃花舊
路邊

旋里哀匡巒鈍庵兩弟

王鑰

數載遠遊疑女在歸家獨見草根黃空庭野鳥
啼秋水晚樹陰風弔夕陽心醉九原迷此夜手
書五古在東墻紙錢白雨飛寒食明月還來照
屋梁

冬日思春東蓬立

王鐸

鰲岫閒遊意若何蹉跎又是一年過老來逾覺

光陰短愁至方知世事多轉眼風和吹綠樹誰
家雪盡裏青蘿玉沙雲液須同醉騎鳳高高起
浩歌

何難

王鐸

曾聞阮籍窮途哭今到途窮哭有餘釀秫應須
肥土穡乞骸終奏老臣書雄談兵略真無用獲
落生涯且自如林壑香檉堪寤語何難外戶作
山漁

因避兵火十年客路觸目感心爰成此詠

終朝奔走意無涯
荏苒光陰處處家
楚岫連天藏嶽廟
吳江廣漢蹴雲花
簪纓幾代淪高莽
城郭百年委暗沙
白髮蕭蕭銜老淚
誰人帷幄掃封蛇

王鑑

癸巳八月入天池山茶溪

王鑑

草短煙沉老木風
壯遊繁蔚到秋空
濃牽鄉思書難見
淡抹山容路不通
橘岸泊來青雀舫
茶林飛出白頭翁
丈夫奔走終何事
且任蘭嵎桂

坵中

玉魚柬心蒙

王鐸

何物一官佩玉魚
百年生計費躊躇
不如作酒調花藥
正好呼童寫道書
賦有閒情窺悃幅
身無多病感崎嶇
海鵬神馬都休說
獨倚松欄月上初

十五日

王鐸

吾家舊巷在烏衣
草樹寒星隱少微
見此叢葵偏北發
聞他旅客又南歸
宅因畫就嫌山淺
身

待丹成夾日飛世事深謀了可見詩篇遙祭謝
玄暉

二弟鏞來都同居改授少叅將之官寫懷

王鐸

江鄉亂後鴈行疎同舍相將似舊廬度日春衣
聊換米賸詩老眼尚能書牂羊救去農田急躑
躅開來寇火餘忍道客愁愁不徹綠泉紅礪挂
巾車

沁源堯城鎮

王鏞

長征業業路途遙古木荒城火又燒離亂可憐
逢晚季雍熙猶自記唐堯年深玉輅沉秋水俗
敝山田出野苗想像黃虞如可見何妨高挂許
由瓢

冬日

王鏞

今年還來去年風樹飛沙走雲在東林鴉舒翼
寒啄柳鬢髮吹雪老喚翁歲聿云暮書常缺梅
尚留冬花欠紅誰家又唱伴侶曲聲聲悲怨無
時終

送友南歸

王鐸

雲水棲遲會面稀
吳門美女獨南歸
千層濕翠尊中落
萬里孤帆雨外飛
涼竹敲殘浮世夢
溫風吹老舊山薇
太湖爲致相思意
不是優游懶拂衣

斗山子爲亭飲

王鐸

衡門移築帝城隈
香動高龕水脈開
南國幾時花信到
諸陵昨夜雨音來
牀書任教鱣魚蛀
甕酒何須虎首罍
忍看靈柯朱樹色
山山秋意在

高臺

雨後首陽感懷遇廟道施藥遂有江南之志

王鐸

林疎煙靜見晴嵐
林下泉流水一潭
避地看雲逢火鳥
活人炮藥養水蠶
空城狐鼠真無忌
破廟夷齊太不堪
洲白蘆花秋雨後
孤帆收拾向江南

姑蘇同羽士啜新茶

王鐸

三月離家八月返
安能飛馭阿香車
翠微不講

斜封印茅舍先嗜正貢茶晨起有懷懷祖廟夜
來無夢夢梅花但逢垂老丹霞侶定泛孤雲海
上槎

登高阜

王鐸

立馬高原數去鴻遠心何暇賦幽通江湖半議
兵戈事日月都歸鬢髮中獨旅姑餘飛老燕幾
家翁仲泣秋風英雄伊鬱懷千載無盡寒花寂
寞紅

凌晨

王鐸

凌晨塞外落空沙鼓角殊方遠意賒燕市買來
秋菊酒洛陽開遍野梅花橐鞬初解疑無戰親
友忽逢似到家聖代茗柯猶自懶蕭蕭閒夢落
清笳

汾河早發

王鐸

月落未落天崢嶸鴉語不語我獨行平鋪北斗
倒臨地靜聽濁河斜有聲好古畏榮耿無已修
和違俗已傷情曙色東方消心象釣綸竿上垂
寶泓

紫陽山堽懷詠

王鑰

文茵使者紫霞衣二月天寒鴈倒飛山上無春
青臘樹雲中何處扣禪扉關河有路人偏少城
市多兵鳥亦稀軍旅廿年猶鼎沸嵩陽南望幾
時歸

歎

王鐸

往事空勞歎野燐江南江北有新春眼前兵氣
侵丘甲垣裏客星照水濱故岸舟航圖自渡中
原士女怨何人木熙盤鼓真如此血淚泔泔向

紫旻

塘西

王鐸

浙路西來見早鵬絺衣橋畔氣蕭蕭幸辭戎馬
兼強弩忽見紅花上綠蕉海近沙鳴蠻樹黑土
稀人哭瘴煙銷餘生悵望東周事飄泊梅天遇
晚潮

無題

王鑰

無際無邊是土丘土丘骸骨有誰收蓬婆城市
鐵應盡羅鬼刀兵戰未休白破尊前廣柳淚黃

孟津詩卷之十六目錄
三
催樹裏洛陽秋那堪誤放天涯眼觸目傷心不
自由

孟津詩卷之十六目錄

七言律

北過關山

定陵夜祀

蜀中意况東友

送陳生歸維揚二首

金山秋意欲自武林下揚州

金牛驛

近望牛頭寺

劔閣

秋興四首

舟下上方灘及過鴛鴦灘大石奇峭羅列
江中聞舟人語
泊楚江有聞

瓦窑山惠家坡

滿目

漢中

易水古寺

秦諸陵

送李甥歸河南三首

西風

祀昭陵醴泉北山

涼至換絺感心

關中古廟少憇晚行

間關

固城旅意

喜秋悵未登太白崆峒

理兵後舊居

擬七十

自竹谿至夏林過崇丘始宿

近襄陽舟內詠

江言

殘秋思長兄覺斯入蜀

料家中農務

水程

自商南入熊耳山行六百里至盧氏

憶少室緱嶺石淙盧巖諸勝東故友重遊

二首

漫興題郵舍

邛州返

山脊

實事

緱山仙人廟

約穀城無疆東崖諸親友再如嵩山

過銅駝巷感洛 寄新鄉郭子昆仲

報國寺看花讌集晚歸

癸未聞秦中寇警二首

睡醒紅藥壇 坦公自里中至二首

癸未紀見聞事 客子多年示三弟鑰

遊祖家別墅薛祭酒相邀

山信寂然將有伴來東友

欲重遊少林因懷煥辰元甫陽城丘園餘

不諸親友 與洞門談君山

家中述所見 山中至鞏子國宿

岱雲間關遠來語少陵

丁亥端陽寫情

由邙山入洛陽道中作

上叅駕店南山口入轅轅關二首

孟津詩卷之十六

七言律

北過關山

王鐸

朝朝金鼓雜鳴笳
又過關山道路賒
何處秋清堪對月
幾人喪亂不思家
飛颺競跳檜林杪
老鶴長呼瀚海沙
蠻語都盧雖遠離
北方何寺看梅花

定陵夜祀

王鐸

石路丹墻晚更幽
黃昏謾謾響松楸
畫衣懸處

燈搖樹險壑飛來水上樓放馬歸牛多歲月新
墳舊草自春秋齋壇慟哭靈何在腸斷龍池日
夜流

蜀中意况東友

王鐸

騎馬何須七寶鞭羅江別是老蒼天躡空嵐重
都成濕入夜茶清不待眠月近峩峩崖搖火井僧
歸龍鵠駕漁船楚中耆舊如相問擬作東華第
十篇

金山秋意欲自武林下揚州

王鐸

涼風南陌入高秋鐵甕城西古渡頭不動金山
因霧縮無情江水向人流蘆花蒲絮身如葉海
氣漁煙樹作樓惆悵武林倘有興扁舟雪後到
揚州

送陳生歸維揚

王鐸

買舟南下送潺湲解纜開窓過早關紅葉還留
前代樹白雲多近晚秋山霜橋夜月雷塘水草
路明湖胥浦彎若得等閒尋勝跡玉鈎斜在綠
楊間

其二

王鑰

點點蘆花吹遠天
客舟漁火破江煙
風翻白鷺常隨雨
月冷浮鷗却近船
南北已分天地氣
行藏獨到鬢鬚邊
廣陵倘遇丹霞侶
替買丘公玉女泉

金牛驛

王鑰

山勢峻嶒無斷絕
峰頭峰起向天行
雨來混沌真難測
驛在虛空正不平
路砌狼煙多戍卒
屋籬人語雜番聲
當年未必秦山鑿
止費擔簦一

月程

近望牛頭寺

王鑰

漢西郊野望牛頭
滾滾白雲萬頃流
鐘磬不關興敗事
藤蘿猶挂古今秋
人從山氣低秦岫
水帶軍聲別閩州
割據雄圖憂後日
夕陽無語下寒丘

劔閣

王鑰

我今凌駕峭岬頂
天宇焚輪吹布袍
猛虎引羣紛飲啖
洵江借勢裂波濤
清秋厭聽邊笳響
長

夜無眠漢月高銷盡老人湖海氣玉笙幾日醉
鳴臯

秋興

王鑰

燕北風沙起戍樓夕陽晚樹不成秋羽林軍帶
雌雄劒黥面人牽子母牛落日城頭吹畫角孤
村草際見荒丘山河賸有飛鴻在白渚黃雲鎖
莫愁

其二

王鑰

昌平東望寒煙裏禿樹殘碑十四陵誰遣材官

人護夜獨留破殿鬼吹燈荒山白露空秋草黑
月陰風有凍冰回首高天落晚照一行野鳥上
枯藤

其三

王鑰

誰家晚笛送秋聲獨坐空庭夜未明洛浦歸來
昔日鴈中原亂後幾年兵鐵軍野死江猶血戰
地刀耕黍不生千里故園人卧病殘星冷露滿
燕京

其四

王鑰

秣陵霜夜楚王宮萬古升沉感慨中
劔佩已隨金輦盡海門仍在石帆東
草衰舊苑菰洲月雲斷荒臺鶴徑風
許邁葛洪何處見一天秋水滿江空

泊楚江有聞

王鐸

周回萬里且江籬十月雪花兩鬢欺
剩水殘山王霸地酸風瘦樹鬼仙詩
路疲白晝投蘆浦鼓響黃昏畏戍旗
腰下吳鉤空自吼炎方隱伏有蛟螭

舟下上方灘及過鴛鴦灘大石奇峭羅列

江中聞舟人語

王鐸

山骨衝江渡石梁蒹葭拍拍起鴛鴦
至今父老談加稅往日戈旄認故鄉
金峽猿啼惜夜月漢臺花艷落秋霜
洪濤閱盡人間世獨眺西風望渺茫

瓦窑山館惠家坡

王鐸

此去豳田不是遠棘門五柞若雲屯
村無賓主同鄉社水有菰蔣上雨痕
不料禽聲秋卽變生

孟津詩
卷之十一
五
憎日斂晚還溫風塵旋里頭俱白錦瑟梅花老
樹根

滿目

王鐸

滿目秦山罨靄中老人何策佐郾筒黃花鋪地
千鄉雨紅葉當林十月風鬱結思家經洛北昂
藏避世匿墻東儻逢講易藥堂友古貌古心大
略同

漢中

王鐸

陂陀上下接天遙危道驚心葉欲凋黃髮騷人

疲遠路白頭父老記前朝古臺鬼出傳金玦壞
棧仙飛落翠翹假若買舟經峴首桐城石埭又
生潮

易水古寺

王鐸

古寺城東易水西白楊樹上野鴉啼鶴巢鐵塔
還存瓦佛像金身半是泥幾代古碑文字盡廿
年荒草路途迷客心木葉牽秋色馬首回看日
又低

送李甥歸河南

王鐸

秋盡冬初送爾還龍門洛水尚潺湲沙明白露
經衰草木落陰風見遠山四海兵戎家已破十
年客夢鬢先斑鷄聲寒月莫惆悵戍鼓蓼蓼夜
過關

其二

王鑑

人向南歸逐去鴻今年聞得路纔通荒城古驛
臨寒水落日殘林有勁風四野陀陀須按劍千
山坱圠好橫弓秋煙晚送長途色少室蓮花月
已東

其三

王鑑

黃沙滾滾連秋日紅葉蕭蕭落板橋故國青山
何處是天涯客子晚相遙馬嘶易水逢燕將人
近車關見海鷗此去吾鄉應有路緱陽嵩澗幾
漁樵

秦諸陵

王鐸

關內陵原不耐游陵邊野水爲何流人情冷雨
燈花夜客意酸風燕子秋翁仲青苔仍在笏佛
龕白月又登樓巴山錦水兵無了懶駕襄陽萬

里舟

西風

王鐸

五陵原上太白東客子悽悽露氣中新月偏加
今夕淚好花不是舊年叢人來西極心先老鴈
叫南雲意未窮漢鼎唐宮何所望沙吹蘆緒起
西風

祀昭陵醴泉北山

王鐸

九嶷巖下閃旌旄一代雄圖見野蒿我用椒漿
陳俎豆誰從史冊識弓刀枯松狐穴人聲寂秋

日鵬飛山勢高試望寰區今幾曆天風蓬鬢漫
騷騷

涼至換絺感心

王鐸

年年為客換絺絺端策拂龜重有思鄉信已從
兵後斷秋情却被鴈先知沙邊行水風憐影江
上分鐘韻到擘花片亂飛紅滿眼歸家釀酒正
當時

關中古廟少憇晚行

王鐸

秦中孤迥地單棲幾處煙林怪鳥啼破廟泉流

花自落荒村火照路還迷子遺就食奔關內跋
扈藏兵據水西久客倦遊塵滿眼低頭何意下
深溪

間關

王鐸

間關行役歎孤身禾黍芄芄又浹辰豈料青山
翻誤客方知紅酒未宜人商山烽火遙連蜀張
掖葡萄不貢秦舉世網羅伊可畏珍珠錯落聽
歌塵

喜秋悵未登太白崆峒

王鐸

秋光次第到孤筇徧訪真仙不易逢吾道賒來
終蹈海人間留得未登峰難窺蘿磴馴毛貉莫
測山根照燭龍西望殷紅木葉好同誰高處聽
虛鐘

城固旅意

王鐸

途行遠驛更纏絲正是家鄉歛社錢石矩遊來
門似水碧鷄望處路如天夷齊廟冷班鳩雨駝
巷荆生瓦礫田却憶當年全盛日酒樓簫管月
娟娟

理兵後舊居

王鑰

近山隣水整殘扉
屋裏驚看野雉飛
土井攤沉荒薺合
經樓毀壞主人歸
孤心冷淚情難說
老眼空城事已非
學種桂苗堪自供
秋風吹桂上秋衣

自竹谿至夏林過崇丘始宿

王鑰

竹谿不及夏林幽
一二茅椒枕水流
草滿松陰逢歇馬
花飛漁浦自行舟
無端丹樹煙糊色
未斷山腰月破秋
回首家園數千里
還從斜路上

崇丘

擬七十

王鐸

年歲將臻七十春
佩刀方朔暗生塵
說仙說鬼皆由我
銘鼎銘鐘已讓人
滄海羞談精衛鳥
絳霄喜戴虎文巾
筭來何物酬幽願
屈指白雲是所親

近襄陽舟內詠

王鐸

海涸煙枯夢裏過
漂流西楚奈愁何
讀書濟世相知少
仗劍圖功遇困多
巴子舊時分玉壘
淞

江近歲據金鸞窮樓試比凌颺羽何似冉君采
苡歌

殘秋思長兄覺斯入蜀

王鑰

蠶叢玉壘盡丹楓木棧鐵關入曉空身任玄雲
常繫馬詩成白帝有飛鴻蕭蕭驛樹三巴雨汎
汎江舟九月風古路寒山逢野叟休隨訪道上
崆峒

江言

王鑰

何苦朝朝只守風澡嵐飛勢異吳篷丹烽西地

皆成碧綠樹迎人早變紅六十塞翁同失馬百
年史局祇雕蟲東臯酒伴應思我鮐背狂呼大
石叢

料家中農務

王鑰

春來新木帶紅煙料理郊墟數畝田疏渠布穀
清明後考鼓徵錢社日前農戶吁嗟箕畢雨峰
雲遮礙鸞鷁天邨沽正好良苗詠坦腹桑榆意
淡然

自商南入熊耳山行六百里至盧氏

重重峰亂峰遮掩對面煙墟似不通何意我來
千嶂外忽逢鷄叫衆花中晴山樹吐停雲寺古
路香吹帶雨風垂柳垂楊隨處綠教人惆悵野
橋東

水程

王鐸

雨晴霧斷水程微不耐江邨見晚暉滿目殘蘆
經澤國數聲新鴈近吾扉明朝帆飽凌魚路此
夜霜繁到澣衣郊廓戢鱗梅正好投壺歌調雪

飛飛

漫興題郵舍

王鐸

事事回頭委逝波祗今散髮面婆娑封疆留得
公矛在破廟公然魑魅多鳴玉有緣趨劔履歸
田無計卧煙蘿請觀鳥盡弓藏後入浦漁歌且
奈何

憶少室緱嶺石淙盧巖諸勝東故友重遊

王鐸

緱岑嵩澗三花樹古路重巖萬壑松已决石淙

喧霹靂更將玉砦削芙蓉山中疊岫成飛浪嘯
外停雲作斷峰曾記當年題勝處薜蘿一帶紫
煙封

其二

王鑰

晴嵐載酒鋪春莎曠野無人發浩歌鬼谷洞邊
白石滿蓮花峰上碧雲多雪經十世餐飢鼠潭
聚千年飲母鼉緱嶺聞笙訪子晉胡僧閒坐吹
青螺

邛州返

王鑰

顛毛種種入邛州來是葛裳返是裘何者同傾
瑪瑙盞令人獨泛鷓鴣洲呼姬邀月城西寺擘
阮吹簫院後樓艱苦倍嘗何用說隨僮東野牧
羣牛

山脊

王鑰

涼至炎消清肺氣病身無力未能行驛夫勒事
多蠻性山鳥傳言亦歇聲不定驕雲吹海雨無
端疊鼓揜江城柴門穉子今相候定訝雪髭滿
面生

實事

王鐸

赤城霞在今無夢磨墨仍為近事牽向後亂離
何日了從前戎馬幾人旋中原城破煙塵滿舊
里瑩荒雉兔眠客坐瓊瑜非一意壇溪綠齒課
芋田

緱山仙人廟

王鐸

披草沿流洞壑開緱山山上有仙臺百盤詰曲
羊腸路萬竅崩騰虎穴隈寶塔偏宜紅樹裏僧
鐘迴出白雲來昔人此處曾聞道亂石青青長

舊苔

約穀城無疆東崖諸親友再如嵩山

王鐸

借君一一問秋煙孔李締交近百年雲裏重巒
彌佛寺山中餘火老僧田青鞋鴨步來嵩嶽白
首仙遊離市廛石路千盤行不了黃昏只好到
諸天

過銅駝巷感洛

王鐸

古城蕪沒勢高低榆白霜黃一望淒地近諸陵

侵路左鴈驚修浦下雲西周家元鼎人何在漢
壘高原樹不齊未審龜龍終結聚夜禽依舊傍
山啼

報國寺看花讌集晚歸

王鐸

晚來寺與煙光合欲止欲行不自由嫩綠偏搖
幽響細殘紅更落遠鄉愁客樽此處笙歌好老
眼何時喪亂休毒影山蛇無動靜雷平春色許
誰遊

寄新鄉郭子昆仲

王鐸

故山山鳥識吾衣叫斷鈎輶客未歸老衲須留
雙樹偈孤雲那有漢陰機八千道路程程險四
十年光事事非琪木香巖能信否孔珪豈是爲
輕肥

癸未聞秦中寇警

王鐸

霜殘苜蓿土成灰頻報羣兇過有郤旅客孤城
秋鴈斷將軍數騎戰書來看山老眼經兵火對
月愁身罷酒壘五校魚鈴誰汎掃秦川羌笛暮
雲哀

其二

王鑰

紛紛諸寇動邊州幾處瘡痍尚未瘳剝棗仍傳
幽土俗橫戈厭說隴州秋已驚赤幟搖山麓尚
索黃金絡馬頭假使昇平天厭亂朝廷何用運
良籌

坦公自里中至

王鑰

西去吹笙豈是顛古人落落有周旋已知弓影
原為酒終久切堂也用船世亂纔悲朋友少生
涯聊任歲時遷六班共攬天游趣爚爚南華齧

缺篇

其二

王鑰

別君君去春將老紅燭青罇君又來衛地三遷
山木燬燕京五度杏花開低頭強忍玄猿泪訪
寺休登甘露臺蝴蝶飛飛千載夢秦宮漢時已
成灰

客子多年示三弟鑰

王鑰

叢春亭下少人遊客子多年說醋溝冰雪風來
北地冷芙蓉花在異鄉稠虎防鐵弩身須避龍

懼金鞭氣亦柔無那長鬚都白盡羞言獻替在
皇州

睡醒紅藥壇

王鑰

高壇紅藥枝枝新曉睡忽開一院春手倦輕拋
蒼塵尾心狂頻策老龍鱗撥雲放月來茅舍移
竹和煙近水濱花是前朝無盡色空留冷艷向
何人

癸未紀見聞事

王鑰

見人面啼未敢言問之瘡痍難朝昏破衣強蔽

豈得久爛粃不飡安所存已增賦租苦加考况
復戎莽互相吞唐虞卽今重爲治誰者阿衡救
黎元

遊祖家別墅薛祭酒相邀

王鐸

俯仰繁華遇劫灰清明疑是夢中回私田半歲
常無雨野水雙洲漫舉杯樓閣悠悠人幾換兵
戈肅肅燕還來酣歌日莫天風起吹動桃花舊
砌隈

山信寂然將有伴來東友

王鐸

正思雲水久相違
獵獵風沙淡日暉
閉戶何妨乘醉舞
看山未必到秋歸
龍鬢潛處潭俱黑
鬼母移居火不飛
悵望只愁無定在
一笥道藏蓋星衣

與洞門談君山

王鐸

中央卷石出無涯
飄瞥開天老日華
湘芷千山連一郡
蒼梧萬派入三巴
鮫人夜出風腥草
龍母春歸雨潤花
直欲盡收岳麓秀
吹笙鼓瑟泛孤槎

欲重遊少林因懷煥辰元甫陽城丘園餘
不諸親友

王鐸

客途曲曲遠天秋
別後能無憶舊遊
孤性擔來林麓癖
無緣分得兆人憂
酒臨龍樹心懷女
夢續山城月過樓
待我再來春又去
紅蕉白雨滿林丘

家中述所見

王鐸

離鄉日日望吾廬
既至吾廬轉愁予
賦租加徵十餘倍
糧食空乏三斗儲
婆婦野哭秋不茨
封

君老憊家無驢嗟乎人生安所事頭白眼見將
何如

山中至鞏子國宿

王鐸

芝田客路水空流積鐵河崖礪氣適客畏黃塵
尋晚憩天教紅葉媚深秋依稀燈影明官驛嬌
婉鐘聲出縣樓罷戍銷兵須有日衾裯不敢夢
商周

岱雲間關遠來語少陵

王鐸

瞻望雲光起岱宗播遷南北與君同相憐濩落

耽奇字不料雪深阻順風擲硯拋書騎塞馬傾
暉走海遇衰翁杜詩憑弔關心切酌酒肉鹽叫
射洪

丁亥端陽寫情

王鐸

蝸居不覺到端陽曉起風沙雨後涼官冷竈煤
安得熱心閒鉛槧許多忙駑才難中六騶馭雅
集將謀九老堂爲料其中深密處有人相喚共
匡牀

由邛山入洛陽道中作

王鐸

諸山拓落西南去下下高高似欲飛郡內人窮
食鴈膳室中天漏蹴魚衣可知金谷難留笑怪
爾銅駝獨忍飢惆悵鷄鄉安枕處芙蓉依舊滿
荆扉

上叅駕店南山口入轅轅關 王鑰

送我嵩巒眉目間高低南上更彎環問來寺寺
無多寺行過山山又遇山雨髻牧羊三月好吹
笙騎鶴一身閒林花早莫常相待拄杖從容自
往還

其二

王鑰

倏爾峰峰如逐鹿衆山當眼未曾經野花分種
元同畝靈石渾谿各變形草助林光飛遠綠雲
開日影放新青茫然一杖乾坤外伐木丁丁隔
水聽

孟津詩卷之十七目錄

七言律

親友至答所問

與崑山三弟籠

約餘不八穀元甫諸友如津

八月廿六日友寄札聞變

東街早出東友 未得

入少林懷孫平侯畢四世郜凌玉約讀書

於此 準擬

別後晚年事事非時在平江寄陳子明

伴來問家園

如願

愁

客夜二首

晚夕由古寺至河干村舍遇川中故人

仲夏忽生大寒

朱明

清晨思伊洛緱嶺聊爲問訊

夜棲山巖

又往江南

每夜

憶三弟籠

願得仙傳

草堂

時晉中寇警憶大姪無黨

所遇

舊事

潤州十月

秋後姑蘇舟中起興

言旅

江路

江干旅行偶雪

和長兄原韻二首

甲申同四弟鑊入關內登華嶽絕頂今讀

覺斯長兄華山八首從而和之

幽居

將北語四弟匡巒

無題

送建侯時之晉陽

爲旅自感

恒山南道

三月燕女遊行金魚池余亦同觀因誌之
雨後過琉璃敞古廟西眺因觀菜圃
將秋院中偶紀因東陳道士

悲洛陽

臘殘

六月六日便熱爲畫江上銷夏小障子
時無警報麥秋告成作畫懸室自娛偶出
塗中遇遠方來貢者衣帽黃絳展畫徘徊
書此以志
贈鎮撫江南

登泰山二首

孟津詩卷之十七

七言律

親友至答所問

王鐸

又有閒官類馬曹爭如終日對蓬蒿
蠹魚只會殮奇字禿管何須作反騷
鄉社傳來無練甲土人封寄是溪毛
先君墳上梨花落八載飄零一布袍

與崑山三弟籠

王鐸

河邊垂柳正依依念子婁江心欲飛
年老弟兄

難久別田間廬舍好同歸人隨蠻土鄉音變路
過神堤鞏樹稀釀秫須謀日日醉乾坤何物換
漁磯

約餘不八穀元甫諸友如津 王鑰

南望山城燕到時故人日日苦縈思無拘白羽
天邊意好趁紅梅月下期林外鶯聲隨曉叫池
前花色帶春移吳兒歌板今還在秋去秋來總
未遲

八月廿六日友寄札聞變

王鑰

蓬茅不整未安棲虎視羣兇鄙縣西遍野農民
藏草莽恂人火炬急軍輦讀書負米心如扇割
韭羅漿醉似泥世事顛連說不盡將軍猶自佩
堂谿

東街早出東友

王鐸

蒼蒼山色向孤城城上新增戍鼓鳴按瑟如同
秦公子鬪茶還是舊燕京芙蓉金掌仙人意首
藉沙田塞馬聲却憶長楊陳羽獵當時沉鬱有
餘情

未得

王鐸

未得逢萌拂袖去難堪一段草堂文崖邊欲老
三秋桂牀下空飛太古雲履畝不勞新少府灞
橋休道舊將軍人間狂病治何藥潦倒高天日
又醺

準擬

王鐸

準擬移家近水村兒童作伴授方言細人近補
麻繩網佃戶新貽藥草根狂去呼星偕醴酒倦
來趁犢卧平原龍編鬼國非吾事歌罷雪深不

閉門

入少林懷孫平侯畢四世郃凌玉約讀書
於此

王鐸

丁丁伐木響非遙王子孤吟傍沈寥花外泉鳴
因有我崖邊月上爲吹簫千年古寺留殘瓦一
派私田長野苗歌罷龜山心獨苦滿窓蕉葉亂
飄飄

別後晚年事事非時在平江寄陳子明

王鐸

分襟倏忽將周歲無奈晚年事事非襍被虎丘
蒙冷雨月明龍井誤秋衣人生老去朋情少日
晷移來書信稀光福今春梅正好我偏到處滿
山飛

伴來問家園

王鑰

家園日日不忘思憔悴花籬亦可疑醒石原無
塵世夢談詩那有外人知對樓還護傾巢鳥當
路不刪礙月枝准約秋來浮白處高登嵩嶽望
天池

如願

王鐸

未到寒時寒已至一身無侶在孤舟莫言爲客
年年慣豈得看山處處遊囊篋蕭條惟對月衣
裳單薄不宜秋乞芝角里能如願雪色嵐煙御
翠虬

愁

王鐸

愁處生愁日日長何如高卧到羲皇從聞漢使
探河鼓空爾秦人駕海梁石面蚪蚪鉤曲古雲
根琥珀隱似香此生自有清閒處卜肆嚴道亦

渺茫

晚夕由古寺至河干村舍遇川中故人

王鑰

偶向河干傍隱淪夕陽斜影落嶙峋孤村濁酒
三家市細柳晴花幾處身橋下常流丁字水路
邊正遇西陽人往來古刹前朝寺費了登臨半
日春

客夜

王鑰

殘月悠悠夜未央客心曲曲幾稱量不知心去

爲何處獨剩月來已滿牀草色青舒千葉氣燈
輝紅照百花光今宵畜眼休垂淚明日春歸又
斷腸

其二

王鑰

寒鴉啼樹星初落莫角吹風我未眠燈下抄書
殘雨夜盤中鑽火舊檀年天將老至休藜杖人
遇窮堅斷俸錢且到洛陽訪故友桃花深處綠
楊煙

仲夏心生大寒

王鐸

五言詩
卷之十一
五
半夜新涼
者氣收炎歊顛倒起深憂月懸雙杵
不成夜人滯一隅偏畏秋稠葉無媒驚白雨啼
蠻有路上朱樓昨宵曾夢石淙好依舊流雲接
孟州

清晨思伊洛緱嶺聊爲問訊
王鐸

日日飄零萬里遊年來無以謝家鷗
遲眠打火抄丹籙早起何心梳白頭
洞口松筠俱作態人間魑魅別成秋
昔年曬衲壇還在只恐石稜少道流

朱明

王鐸

光陰流轉復朱明潦倒閒吟散客情
南墅桐花愁裏色西山松雨莫來聲
軍糧牛戶無時已鬼火人煙相間生
但得昇平隨處好河中何必問澶城

夜棲山岵

王鐸

霜冷烏飛月影低高高崖谷未安棲
殊方多難周山外屢戰無功漢水西
行盡陂陀難覓堡炊來燈火不
雨鷄到家滿地紅梅樹爛醉花間聽

身啼

又往江南

王鑑

江南江北已週遭乘馬乘舟日日勞吳楚故人
誰在眼粵閩羣寇亂如毛偷安身世歸田畝苟
且琴書伴酒槽萬里長江今又渡何時揮手入
鳴臯

洛陽山名

每夜

王鐸

夏中每夜夢煙洲食蛤何難縱遠遊懶惰一生
愁拜客因仍兩月不梳頭獨眠靜室白雲至閒

看西山明月秋松桂入心心未已翠媯堤下水
空流

憶三弟鑑

王鐸

忽然昨夜一尊酒堪嘆今朝萬里人譖如由來
歸有道聰明不可緩防身帛於海舳衝新瘴水
怪山雷作近隣兄弟重逢無五數嵩溪石室許
誰親

願得仙傳

王鑑

身泛吳江江浪足踏天南天北峰水面倒牽

白雪浪石 奔突出青芙蓉碩老日洗拳毛鳳陽
婆夜鞭秃耳龍願得終身常相伴星屋雲室傳
仙宗

時晉中寇警憶大姪無黨

王鑰

太白明明見日中遙聞三晉起兵戎牙旗夜捲
龍門雨鐵馬聲傳象谷風自顧身心經喪亂那
堪骨肉各西東音書頻望青山外惆悵斜陽意
未窮

草堂

王鑰

栩栩孤身寄草堂外人不欲議行藏畫家閱過
三千幅墨帖臨成五百行卜宅終須依澗水學
詩誓不傍蘇黃茅津咫尺西來路照盡劫灰有
月光

所遇

王鑰

老夫盡日奔奔處動觸牛蹄數百車夏月纔融
通洫水今年始露過墻花肆陳銀篋邊軍貨門
挂鐵矛戍卒家無奈五更又蚤起滿天拍翅過
飛鴉

舊事

王鐸

舊事經心自不同東周押闔未爲工
鼇身翻水堪流歎象口吹香總是空
頤洞風塵遺故老凋零草木傍離宮
仲宣多難登樓日嫋嫋餘情煙雨中

秋後姑蘇舟中起興

王鐸

秋裏江鷗片片輕木蘭壺酒載幽情
兩岸送翠經心過一柁隨風任意行
漁路斜窺撒網勢荷香直貫晚歌聲
牽舟誤入雲中去來往何須問

水程

潤州十月

王鐸

潤州古渡山之東十月天邊見塞鴻
地冷人騎高骨馬雲低雪散一江風
寒吹落葉城先響野凍和煙路不通
南國我來逢歲莫年年無恙是漁翁

言旅

王鐸

一身未敢定棲遲但得蓬門花繞籬
半世俱從愁處過何獨與淡中宜
衰年避地悲萍轉舊

事傷心誌
離蕭瑟仙人同虎睡釣周釣漢亦
奚爲

江路

王鐸

江邊且喜離塵氛水白霜黃不是春村破墻頭
時過鳥寺荒龕裏更無人橘橙刺眼憐多缺青
翠尋山記不真露濕月華孤店冷閒房石井又
何晨

江干旅行偶雪

王鑰

孤身多病久離家匹馬寒風犯雪花草裏數家

分漁路江邊一水截天涯山明波照非關月岸
白蘆吹豈是沙滿眼玉塵殊未辨茫茫天際起
悲笳

甲申同四弟鏞入關內登華嶽絕頂今讀
覺斯長兄華山八首從而和之

王鑰

鐵崖仙路有時到霧市靈源不可尋玉女盆邊
鸚鵡珮金公臺上鳳凰琴花明春染雲中色天
倒泉傾日音呼吸果然通帝座也尋白帝問

升沉

和長兄原韻

王鑰

陰崖鐵鑱鑱枯松開闢名山未易逢
小小穴中五色草高高天上一聲鐘
芝臺病卧金毛鹿珠樹常拴鐵爪
龍箭括通天無足異紅羊銜出紫
芙蓉

其二

王鑰

金天六月晝生寒雲裏蓮花聳翠巒
幾代紅蒲涵電色千年白雪繳風湍
仙公仙母排空下猱

子猷孫挂處安獨立高高窺萬象
乾坤恍惚不能看

幽居

王鑰

且伴幽居守一籬千巖萬壑得清夷
漫言遵海傳龍术不願為心愧馬醫
歲莫金城人浴鐵夜深旅店鬼聽詩
如今老大知風浪那得雪壇負紫芝

將北語四弟匡巒

王鑰

九月南巒滯留霜風一夜下旄丘
醉中白髮

難爲笑秋
黃花不耐秋
刁斗何須鸚鵡賦
邊城又買鷓鴣裘
人情那似吳箋紙
縹緲吹笙過鳳洲

無題

王鐸

鍾陵雲氣尚昭回
朝市陸沉半草萊
木路盡從平野濶
江聲獨到舊城哀
龍毛翠輦歸無日
鵲脚紅旗去不來
惆悵戰爭猶未已
年年春送杜鵑開

送建侯時之晉陽

王鐸

南望丘園道路迷
三圭舊事淚痕啼
河流大壑悲先壠
雪落空山夢故妻
邊馬橐鞬空自歎
家書豉醬不遑題
欲知昔日閒談處
多在吹笙潁水西

爲旅自感

王鐸

誰令髮白仍爲旅
奔走天涯况有兵
虎穴雲峰千里道
羊腸雪逕一書生
頻驚鬼出林間火
怕見鴉飛草裏城
今夜醉眠何處夢
綠灘紅樹是歸程

三日 女遊行金魚池余亦同觀因誌之

王鑰

燕國女兒白紵歌大紅衫子青綺羅羞將紈扇
半遮面笑倚東風生曉波翠樓倒挂鸚哥鳥春
水亂澆牡丹科同行夥伴欲歸去驚起鴛鴦先
過河

恒山南道

王鐸

道路駢駢已厭過兵荒不復問煙阿那知舊井
新田少偏是黃沙白草多鞠子過濠悲甯築飢

鷹掠鳥下滹沱前邨定買葡萄酒醒眼將如風
景何

雨後過琉璃敞古廟西眺因觀菜圃

王鐸

朱門宿雨踐泥沙駐馬園畦畏日斜一井聞歸
幽徑犢百羣競聚古祠鴉碧山汨沒無春寺潦
水扶持有命花如萎毳衣安敢賦無歌無号是
僧家

將

中偶紀因東陳道士 王鐸

樹陰萬綠
山墟六十勞人且晏如分得宮綾
包古畫挹來晨露點禪書天垂王屋靈泉白月
到洛陽老鴈疎爲叩練師何所事彈琴散髮步
冲虚

悲洛陽

王鑰

廿年兵火亂離中眼見洛陽城內空鬼馬常嘶
邨廓月銅駝不斷雌雄風澠流有水還朝海燕
子無人飛故宮金谷雲臺何處是一聲鐵笛送
歸鴻

臘殘

王鑰

臘殘墮日日光微寒色着窓月不肥飢鵲下巢
爭啄雪愁人當戶獨依扉江邊牧馬王師老海
上從軍漢將稀傳道洛陽春又綠明年桃杏共
誰歸

贈鎮撫江南

王鑰

秋風磊落任艱難甲帳新開節鉞閒人士須輕
七澤賦詩書先化五谿蠻蠱蟲枕樹焚蓬火戰
馬桃花故
彎千載丈夫垂竹帛孟堅錯慮玉

六月六日便熱為畫江上銷夏小障子

王鐸

炎時景物想清江章句先生坐壽房淮郡應當
分汲黯鏡湖何獨與知章家家九罟鱗人飢處
處三鎬茗上牀襖帖微風間更寫奇門五壘在
何方

時無警報麥秋告成作畫懸室自娛偶出
塗中遇遠方來貢者衣帽黃絳展畫徘徊

書此以志

王鐸

不復鳴趾野霧遮漁場秀麥好年華閒思圓石
圖嵩頂更備方流折衛沙交此無勞南國篋于
闐何用遠人花桓寬作論潭燒却萬壑巖日
未斜

登奉山

王鐸

巖巖泰嶽幾千丈坐向東南鎮海隅門傍青崖
開石扇我騎白鹿
衢分霄日觀還今古拂
漢松林主
君何處見舉頭北望是

皇都

其

茫茫何處辨青齊
偶爾雲開放日低
祇見眼中飛海水
忽聞峽裏叫天鷄
金函寶籙分雙闕
玉樹靈花共一谿
無奈東風吹不了
徂來

王龍



